

Nalunaarasuartaateqarneq pillugu Maalaaruteqartarfiup sulinera pillugu Namminersorlutik Oqartussat nalunaarutaat nr. 12, 4. november 2013-imeersoq

Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut peqqussutaanni nr. 17-imi, 20. november 2006-imeersumi § 21 naapertorlugu aalajangersarneqarpoq:

Maalaarutininik tunniussisarneq

§ 1. Nalunaarasuartaateqarneq pillugu Maalaaruteqartarfik suliani, Nalunaarasuartaateqarnermut Aqutsisoqarfiup aalajangiineri suliaalu pillugit maalaarutininut, aammalu inatsisit tunngavigalugit inatsisiliat peqqussusiallu malillugit Nalunaarasuartaateqarneq pillugu Maalaaruteqartarfimmut tunngasunut allaffissornikkut inaarutaasumik aalajangiisarpoq.

§ 2. § 1, imm. 1 naapertorlugu maalaarutit Nalunaarasuartaateqarnermut Aqutsisoqarfiup suliami aalajangiineraniit kingusinnerpaamik sapaatit akunnerisa arfineq pingasut qaangiunnerini Nalunaarasuartaateqarneq pillugu Maalaaruteqartarfimmit tiguneqarsimassapput.

Imm. 2. Aalajangiinerimut atatillugu oqartussaasut suliarinninneranut maalaarut siusinnerpaamik aalajangiinerup pinerani Nalunaarasuartaateqarneq pillugu Maalaaruteqartarfimmut tunniunneqarsinnaavoq. Aalajangiisoqarsimatinnagu oqartussaasut suliarinninnerannut maalaarutit Nalunaarasuartaateqarneq pillugu Maalaaruteqartarfimmut ingerlaavartumik tunniunneqarsinnaapput.

Imm. 3. Nalunaarasuartaateqarneq pillugu Maalaaruteqartarfiup allattoqarfiata maalaarut tiguju-mannngissinnaavaa,

- 1) kingusinaarluni tunniunneqarsimappat, taamaattorli tak. imm. 5,
- 2) Nalunaarasuartaateqarneq pillugu Maalaaruteqartarfiup aalajangiisinaatitaaffiitut ilaanngippat, imaluunniit
- 3) maalaaruteqarnissamut pisinnaatitaaffeqanngitsumit tunniunneqarsimappat.

Imm. 4. Nalunaarasuartaateqarneq pillugu Maalaaruteqartarfiup allattoqarfiata imm. 3 imaluunniit § 3, imm. 3 naapertorlugu maalaarummik tigusiumannginerimut peqatigitillugu maalaaruteqartumut ilisimatitsissutigissavaa, tigusiumannginermik aalajangiinerimut kingusinnerpaamik sapaatit akunnerisa arfineq pingasut qaangiunnerini tigusiumannginermik aalajangiineq Nalunaarasuartaateqarneq pillugu Maalaaruteqartarfimmut maalaarutigineqarsinnaasoq.

Imm. 5. Pisuni immikkut ittuni Nalunaarasuartaateqarneq pillugu Maalaaruteqartarfiup siulittaasuata imm. 1-imi piffissarititaasumik uniuinissaq immikkut ittumik akuersissutigisinnaavaa, tassunga ilanngullugu pingaartumik piffissarititaasumik qaangiinissaq peqqutissaqartutut nalilerneqarpat.

Maalaaruteqarnermut akitsuummik akiliisarneq

§ 3. Maalaaruteqartup akitsuut 6.500 koruuniusoq akilertussaavaa. Maalaaruteqartooq inuinnaapat, aammalu maalaarut maalaaruteqartuinnarmut tunngasuuppat, akitsuut 150 koruuninut appartineqassaaq.

Imm. 2. Imm. 1-imi allassimasooq apeqquataatinnagu maalaarutinut, taamaallaat pisortat ingerlatsinerat pillugu Inatsisartut inatsisaat imaluunniit ingerlatsineranni suliaqartarneq pillugu Inatsisartut inatsisaat naapertorlugu allagaatinik takusaqarsinnaanissamut itigartitsinermut tunngasunut akitsuummik akiliisitsisoqassanngilaq.

Imm. 3. Akitsuut taaneqartooq maalaarummut ilanngullugu tiguneqanngippat, imaluunniit allattoqarfimmit piffissaliussap naammaginatuumik sivilissuseqartup iluani akitsuut akilerneqanngippat, Nalunaarasuartaateqarneq pillugu Maalaaruteqartarfiup suliaq tigujumanngettussaavaa.

Imm. 4. Nalunaarasuartaateqarneq pillugu Maalaaruteqartarfiup siulittaasuata akitsuutip akilerneqartup utertinneqarnissaa aalajangissavaa,

1) Nalunaarasuartaateqarneq pillugu Maalaaruteqartarfiup maalaaruteqartooq maalaarummi tunniunneqartumi tamakkiisumik ilaannaasumilluunniit taperserpagu,

2) oqartussaasut maalaarummut aalajangiisimasut Nalunaarasuartaateqarneq pillugu Maalaaruteqartarfiup suliamut aalajangiinissaa sioqqullugu suliaq qaqeqqippassuk, imaluunniit

3) Oqartussaasut maalaarummut aalajangiisimasut maalaaruteqartup tunngavigisaa naapertorlugu aalajangiinertik allannortippassuk.

Imm. 5. Nalunaarasuartaateqarneq pillugu Maalaaruteqartarfiup § 2, imm. 3 naapertorlugu maalaarut tigujumanngettippagu, § 2, imm. 4-mi Nalunaarasuartaateqarneq pillugu Maalaaruteqartarfiup tigusiumanngetteranik suliakkiinissamut piffissaliussap naanerani akitsuut utertillugu akilerneqassaaq.

Kinguartitsinermik sunniuteqartitsisarneq

§ 4. Nalunaarasuartaateqarnermut Aqutsisoqarfiup aalajangiinera pillugu maalaarut, Nalunaarasuartaateqarneq pillugu Maalaaruteqartarfiup kinguartitsinissamik sunniuteqalersissinnaanngilaa.

Suliaqartarneq

§ 5. Suliassap piareersarneqarnera Maalaaruteqartarfiup allattoqarfiata isumagissavaa. Allattoqarfiup suliaqartarfiup siulittaasuaniit aqqissuunneqassaaq.

Maalaaruteqartarfiup ataatsimiigaaqqusisarnerit

§ 6. Nalunaarasuartaateqarneq pillugu Maalaaruteqartarfiup siulittaasuata Maalaaruteqartarfiup ataatsimiinnissaanut piffissaq sumiiffissarlu aalajangissavai.

Imm. 2. Nalunaarasuartaateqarneq pillugu Maalaaruteqartarfiup ilaasortat nalinginnaasumik sapaatit akunnerat ataaseq sioqqullugu aggersarneqartussaapput. Pissutsilli immikkut itsillugit piffissarititaasooq taanna saneqqunneqarsinnaavoq.

Imm. 3. Ataatsimiigiaqqusissummut Maalaaruteqartarfiup ataatsimiinnerani oqaluuserisassat, aammalu allattoqarfiup suliassanut ataatsimiinnermi suliarineqartussanut ilisarititsissusia ilanngulugit nassiunneqassapput. Najoqqutassat atortut elektroniskiusut atorlugit nassiunneqarsinnaanersut, allatulluunniit atortut elektroniskiusut atorlugit takuneqarsinnaalersinneqarsinnaanersut Nalunaarasuartaateqarneq pillugu Maalaaruteqartarfiup isumaqatigiissutigisinaavaa.

Maalaaruteqartarfiimmi ataatsimiittarnerit

§ 7. Ilaasortat ikinnerpaamik affaat najuuppata, Nalunaarasuartaateqarneq pillugu Maalaaruteqartarfiik aalajangiisinaatitaavoq.

Imm. 2. Nalunaarasuartaateqarneq pillugu Maalaaruteqartarfiimmi aalajangigassat nalinginnaasunik amerlanerussuteqartoqarneratigut aalajangiiffigineqartassapput. Taasisut naligiinnerini siulittaasup taasinera aalajangiisuusaaq.

Imm. 3. Ataatsimiinnerit imaqarniliorneqassapput. Ilaasortaq ataaseq aalajangiinnermut isumaqaataangippat, taassuma isummami imaqarniliamut allanneqarnissaa pisinnaatitaaffigaa. Imaqarniliaq Maalaaruteqartarfiup ataatsimiinnerani tullermi akuerineqassaaq.

Imm. 4. Nalunaarasuartaateqarneq pillugu Maalaaruteqartarfiup ataatsimiinneri tamanut ammasuunngillat.

Maalaaruteqartarfiup aalajangiinerisa suliarineqartarneri

§ 8. Nalunaarasuartaateqarneq pillugu Maalaaruteqartarfiup aalajangiineri siulittaasumit oqaasertaliorneqassapput.

Imm. 2. Taasinerit ikinnerussuteqarnerat aalajangiinnermut tunngavilersuutitalerlugu allanneqassaaq. Kiisalu isummernerni taasisut amerlassusii, kiisalu siulittaasoq ikinnerussuteqartunut taaseqa-taasimansooq allanneqassaaq.

Imm. 3. Nalunaarasuartaateqarneq pillugu Maalaaruteqartarfiup aalajangiinerisa piaartumik illuatungiliuttumut ilisimatitsissutigineqarnissaat Nalunaarasuartaateqarneq pillugu Maalaaruteqartarfiup siulittaasuanit isumagineqassaaq.

Ukiumoortumik nalunaarut

§ 9. Ukiut tamaasa apriliip ulluisa aallaqqaataata nallinnginnerani qaammatsiutit malillugit ukiumi ilivitsumi qaangiuttumi Nalunaarasuartaateqarneq pillugu Maalaaruteqartarfiup suliai pillugit Nalunaarasuartaateqarneq pillugu Maalaaruteqartarfiik nalunaarusiussaaq. Nalunaarut Naalakkersuisunut nassiunneqassaaq.

Atuutilerfia

§ 10. Nalunaarut 1. marts 2014-imi atuutilerpoq.

Namminersorlutik Oqartussat, ulloq 4. november 2013

Steen Lynge

/

Ann Birkekær Kjeldsen